

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Veluti Totidem Ramos  
Distributa

**Ilsung, Jakob**

**Dilingæ, 1693**

Ex Parte Secunda.

---

[urn:nbn:de:hbz:466:1-60727](https://nbn-resolving.de/urn:nbn:de:hbz:466:1-60727)

## INDEX

XX. S. Matthæus c. 28. v. 18. refert Christum dixisse : *Data est mihi omnis Potestas in Cælo, & in Terra.* Huic universæ Potestati in terra videntur adversari alia ejusdem Christi Verba , à S. Joanne c. 18. v. 36. allata. Pilato enim interroganti : *Tu es Rex Iudeorum?* Respondit : *Regnum meum non est de hoc Mundo &c.* Med. 177.

XXI. Apud S. Matthæum c. 28. v. 10. leguntur hæc Christi ad Mulieres Verba : *Ite, nunciate Fratribus meis, ut eant in Galilæam, ibi me videbunt.* Et v. 19. hæc dicit ad Discipulos : *Euntes ergo docete omnes Gentes.* S. Lucas autem Act. 1. v. 4. scribit : *Et conversens precepit eis, ab Ierosolymis ne discederent &c.* Med. 182.

## EX PARTE SECUNDA.

XXII. S. Matthæus c. 8. v. 28. recensens adventum Christi in Regionem Gerasenorum , inquit : *Ocurrunt ei duo, habentes dæmonia, de monumentis exeuntes, sævi nimis.* Sed S. Lucas c. 8. & S. Marcus c. 5. tantum Unum dicunt Christo obviām venisse. Med. 235.

XXIII. S. Matthæus verba Jairi ad Christum pro Filia sua sic recitat. c. 9. v. 18. *Domine, Filia mea modo defuncta est; sed veni, impone Manum tuam super eam, & vivet.* S. Marcus c. 5. v. 23. sic loquitur : *Filia mea in extremis est &c.* Med. 238.

XXIV. S. Matthæus c. 8. v. 1. & seqq. narrat, homini Leproso Christum Sanitatem reddidisse, *Cum descendisset de monte; & urbem Capharnaum deinde subivisse.* v. 5. Sed S. Lucas c. 5. v. 12. idem Beneficium recensens, ait, id à Christo collatum esse, *Cum esset in una Civitatum: adeoque non in via ad Civitatem.* Med. 239.

XXV.

## ANTILOGIARVM.

XXV. S. Marcus c. 1. v. 45. videtur negare, quod Christus post factam, & evulgatam Sanationem hominis Leprosi urbem intraverit: quia homo ille contra Christi prohibitionem cœpit prædicare, & diffamare Sermonem, ita ut non posset (Christus) manifestè introire in Civitatem, sed foris in desertis locis esset. Sed S. Matthæus & S. Lucas locis proximè citatis dicunt, Christum intrâsse, & fuisse in Civitate. Med. 259.

XXVI. S. Matthæus c. 8. v. 5. scribit: Cùm autem intröisset Capernaum, accessit ad eum Centurio. Verùm S. Lucas c. 7. negat, Centurionem accessisse; sed cùm bis legatos suos misisset, Christo adventanti hæc per postremos jussisse dici: Domine noli vexari: Non enim sum dignus, ut sub teclum meum intres: propter quod & me ipsum non sum dignum arbitratus, ut venirem ad te. Med. 260.

XXVII. S. Matthæus c. 10. v. 9. enumerans ea, quæ Christus Discipulis dixit, ne possiderent, refert etiam dixisse: Neque Virgam. At S. Marcus c. 6. v. 8. ait: Præcepit eis, ne quid tollerent in via, nisi Virgam tantum. Med. 284.

XXVIII. S. Matthæus c. 15. v. 22, de Matre filiæ à dæmonio malè vexatæ, & à Christo liberatæ, ait, quod fuerit Chananaea. S. Marcus autem c. 7. v. 26. dicit, quod fuerit Syrophænissa genere. Med. 303.

XXIX. Postquam Christus septem panibus pavit quatuor millia Virorum, teste Matth. c. 15. v. 39. Venit in fines Magedan. At S. Marcus c. 8. v. 10. ait: Venit in partes Dalmanutha. Med. 306.

XXX. Cùm Christus apud S. Matth. c. 16. v. 28, dixisset: Amen dico vobis: sunt quidam de his stantibus, qui non gustabunt mortem, donec videant Filium Hominis, venientem

## INDEX

nientem in Regno suo. Istud Vaticinium mox post sex dies impletum esse , his verbis testatur S. Matthæus cap. 17. v. 1. *Et post dies sex assumpsit IESVS Petrum, & Jacobum, & Joannem Fratrem ejus, & dicit illos in montem excelsum seorsum, & transfiguratus est ante eos.* S. Lucas autem c. 9. v. 28. post prædictum Vaticinium numerat dies octo , non quidem omnino completos, dicens: *Factum est autem post haec verba ferè dies octo, & sumpsit Petrum &c.* Med. 313.

XXXI. S. Matthæus c. 20. v. 20. inquit: *Tunc accessit ad eum Mater Filiorum Zebedæi cum Filiis suis, adorans, & petens aliquid ab eo.* S. Marcus autem c. 10. v. 35. non de Matre sed de Filiis asserit: *Et accedunt ad eum Jacobus, & Ioannes, Filij Zebedæi, dicentes: Magister volumus, ut quodcumque peccaverimus, facias nobis.* Med. 389.

XXXII. S. Lucas c. 18. v. 35. sic habet: *Factum est autem, cum appropinquaret Iericho, Cæcus quidam sedebat secus viam, mendicans &c.* S. Matthæus c. 20. v. 29. & S. Marcus c. 10. v. 46. narrant, non in ingressu, sed in egressu ex Iericho hunc Cæcum sanatum; & S. Matthæus non unum, sed duos ponit. Med. 391.

XXXIII. S. Joannes c. 12. v. 1. inquit: *IESVS ante sex dies Paschæ venit Bethaniam, ubi Lazarus fuerat mortuus, quem suscitavit IESVS.* Fecerunt autem ei cœnam ibi. Sed ex S. Matthæo videtur colligi, quod Cœna ista contigerit biduo ante Pascha. Cum enim, ut dictus Matthæus c. 26. v. 2. refert, Christus Discipulis suis dixisset: *Scitis, quia post biduum Pascha fiet:* deinde idem Evangelista vers. 6. subjungit: *Cum autem IESVS esset in Bethania in domo Simonis Leprofi, accessit ad eum Mulier, habens alabastrum Unguenti pretiosi &c.* quod certum

## ANTILOGIARVM.

tum est, sub Cæna accidisse. Videtur itaque, hanc Cænam etiam biduo ante Pascha celebratam esse; postquam scilicet Christus Discipulis dixerat: *Scitis, quia post biduum Pascha fiet.* Med. 394.

XXXIV. Circa numerum Discipulorum, murmurantium contra effusionem Unguenti pretiosi in Caput Christi, S. Joannes c. 12. v. 4. sic refert: *Dixit ergo unus ex Discipulis ejus, Judas Iscariotes, qui erat eum traditus: Quare hoc Unguentum non veniit trecentis denariis, & datum est egenis?* S. Matthæus c. 26. v. 8. in numero plurali ait: *Videntes autem Discipuli, indignati sunt, dicentes: Ut quid perditio hec? potuit enim istud vendari multo, & dari pauperibus.* Med. 395.

XXXV. De Extremi Judicij die scribit S. Marcus c. 13. v. 32. Christum dixisse: *De die autem illo, vel horâ, nemo scit, neque Angeli in Cælo, neque Filius, nisi Pater.* At verò S. Joannes c. 5. v. 20. Universalem Scientiam Filio attribuit: *Pater enim diligit Filium, & omnia demonstrat ei.* Med. 413.

## INDEX